



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1709. usque ad annum 1714

Fleury, Claude

August. Vind. [u.a.], 1782

VD18 90119266

§. 54. Petri Coddæi olim Sebasteni Archiepiscopi obitus.

[urn:nbn:de:hbz:466:1-67615](https://nbn-resolving.org/urn:nbn:de:hbz:466:1-67615)

impeti, ut sibi molestia fieret, vinc̄tasque Sæc. XVIII.
eis daturum manus, si approbationem A. C. 1710.
suam retractare vellet: insuper literas ad
Mentenoniam die undecima Maij de-
dit, in qua se quidem cessurum polli-
cebatur, suos tamen hostes, ac præ-
cipue Michaellem Tellierum, ceteros-
que Jesuitas, qui eum multo abhinc
tempore infectantur, & quovis pretio
eum perdere moliuntur, minime cessa-
turos, nisi ipsis a Rege silentium im-
ponatur: Non deerant etiam ex præ-
cipuis Regni Episcopis, qui Noaillium
ad vindicandum suum honorem inci-
tarent, & quidem inter alios Agen-
nensis die decima quarta Maij in suis
litteris utriusque Episcopi instructionem,
agendique rationem *parum Christianam,*
Ecclesiæ spiritui, disciplinæ, Sacris Ca-
nonibus, Charitati & unioni contrariam
appellans exclamavit: *Pudeat Episco-*
pos, quod pro Instrumentis deserviant Je-
suitarum passionibus; alius hos duos Epi-
scopos vocavit *venales, temerarios, &*
calumniatores, alius vero Vapicensem
Episcopum pro *hypocrita, versipelle &*
ambitioso habuit.

§. LIV.

Petri Coddæi olim Sebasteni Archiepi-
scopi Obitus.

Q 3.

Ineun.

Sæc. XVIII
A. C. 1710

Vid. supra
t. 67. p. 3.
Hist. Eccl.
t. 13. p. 5033.
Acta Histo-
rico - Eccl.
t. 7. p. 103.

Ineunte Mense Januario Petrus Coddæus Sebastenus Archiepiscopus, & Hollandicæ Missionis Vicarius Apostolicus in gravem morbum inciderat, de cujus fati, & orthodoxia jam supra mentionem fecimus: Quamprimum ergo Joannes Baptista Bussi Colonienfis Pontificius Nuntius eum gravi morbo, non sine imminente vitæ periculo detinet compererat, id quantocius Romanam perscripsit, ac interim Auditorem suum Alexandrum de Borgia unacum literis ad resipiscentiam hortantibus, Trajectum decrevit, qui Coddæum ad Alexandri VII. formulam juramenti firmandam induceret: Verum hic Præsul ore & calamo profitebatur, quod „quidem quinque propositiones in omnibus „sensu, quo eas Ecclesia damnavit, in „quocunque libro, etiam in Jansenii libro „si ibi revera continentur, semper dam- „naverit, & damnet, nihilominus, ad „hæc propositiones in hoc libro conti- „neantur, se dubitare, sincere fateretur. „Quoniam vero id, mere quæstionem „facti complectatur, proin nunquam „ad fidem pertinere crederet, vel hæc „resis materiam efficere posset, hor- „rendi sacrilegii sese reum faceret, si „rem sibi dubiam invocato Dei no- „mine assereret, ac propterea formulæ „subscribere non posset, ne conscien- „tiam

„tiam suam abominabili perjurio macu-
 „laret: Noluit etiam eadem ex ratio-
 „ne sententiam contra sua scripta Ro-
 „mæ pronuntiatam approbare: testa-
 „batur tamen, quod propter hanc quæ-
 „stionem Ecclesiæ pacem perturbare
 „nolit, eoquod ab obsequio sacræ Sedi
 „debito recedere semper abhorruisset,
 „omnique pietate ac religione eandem
 „Sedem usque ad extremum vitæ hali-
 „tum veneraturus, in Ecclesiæ commu-
 „nitione vivere ac mori desideraret.„
 Hanc fidei suæ declarationem Coddæus
 paucis ante obitum suum diebus
 scriptotenus ad Coloniensis Nuntii Au-
 ditorem transmisit. Postquam vero
 Pontifex obfirmatum Coddæi animum
 non sine mærore perceperat, totum ne-
 gotium Sacræ Inquisitionis Congrega-
 tioni discutiendum commisit, quæ etiam
 hoc anno die trigesima Decembris
 Nuntio Apostolico, quid sibi agendum,
 si Coddæus in sua pertinacia decede-
 ret, interroganti respondens, *re ma-
 ture discussa censuit, eidem Episcopo qua-
 tenus sine debita pœnitentia discesserit, aut
 decedat, deneganda esse a Christi fidelibus
 solita suffragia, tanquam notorie inobe-
 dienti & refractario Constitutionibus &
 Decretis Apostolicis, & privandum esse
 Ecclesiastica sepultura:* Hoc decretum
 postea Pontifex approbavit, quampri-

Sæc. XVIII.
 A. C. 1710.

Q 4 mum

Sæc. XVIII. mum vero per eundem Nuntium Romæ
 A. C. 1710. innotuit, Coddæum die decima octava
 Decembris hujus anni non immutata
 animi sui sententia obiisse, mox eadem
 Sacra Congregatio sequens edidit de-
 cretum: *Cum vero postmodum Sacræ Con-
 gregationi nuntiatus fuisset infelix ac unde-
 quaque deplorabilis ejusdem Episcopi obi-
 tus - - eadem S. Congregatio die decima
 quarta Januarii Anno 1711. re iterum
 mutare discussa, quamvis non sine maximi
 omnium Eminentissimorum Patrum dolore
 censuit, suprædictum decretum die trigesimo
 Decembris Anno 1710. editum, esse ex-
 quendum, & per eundem D. Nuntium non
 tam ad damnandam defuncti memoriam,
 quam ad aliorum contumaciam ac resra-
 ctariorum exemplum & admonitionem, ut
 tremendi judicii Dei memores salutem animarum
 suarum opportune consulant, omnibus
 per Hollandiam Catholicis significandum
 esse &c. Die autem decima quarta Ja-
 nuarii Pontifex speciali edicto pro ani-
 ma hujus defuncti in Ecclesiis preces
 fundi prohibuit, eoquod formulario
 ante mortem subscribere noluisse, quam-
 vis ceteroquin Jansenii propositiones
 pro damnatis habuisset.*